

梵天廬叢錄

冊七

梵天廬叢錄十三

慈谿柴 芻小梵

李自成張獻忠事輯五十三則

自成之母生自成。嘗夢一皇者服袞冕來。謂之曰。吾送天破星。未為爾兒。醒而誕自成。遂命名曰皇未兒。

自成又小字棗兒。或訛言宋阿罩相傳自成先以膠濟敗棗為業。四五年積貲數萬。乃以贏餘遍周鄉里之困苦者。人望漸歸。思一報其德者亦漸多。李遂陰有異志。動諸人以誘言。僉曰。吾等今日之尚生者。實公之賜。雖死惟命。李笑慰之。

霜猿集一詩云。玉皇西狩下天都。縱使圓狼鬪赤烏。賽過五紅。

驚一座。戊辰元旦受嵩呼。注云崇禎元年戊辰正月上日。天子御正殿受朝賀。時李自成未為賊。在米脂山中會飲。擲骰賭酒。以一人得五紅為勝。自成奪骰謂衆曰。我當得六紅。汝等呼我為皇帝。一舉手果得六紅。自成奮臂曰。汝等拜我皇帝。羣不逞俱被酒。爭下階叩頭。稱皇帝萬歲。自成引此自負。潛懷不軌之志。

自成投甘督部將王國為兵。漸以戰功升為將。一日敗於川。引十八騎跣足行商洛中。其時軍律嚴。兵敗必斬。自成乃倡議曰。今兵敗歸亦死。不歸亦死。死一而後策或可倖免。今者歸不如遁也。衆響應。乃遁山中為寇。嘗讀書觀乾象。咄咄自語。掩卷謂

左右曰汝亦知漢高之百戰百敗而得天下乎顧其所讀書自謂傳自異人甚秘人不得而知

自成妻韓氏故娼也縣役蓋君祿與之通自成將偕李過往甘州乃先殺淫者後妻邢氏又與高傑通傑竊之以降潼關原之敗妻女為官軍所得

自成破城常縛多人令童子操刀殺戮少有畏懼即刀童子有黠悍者遂以善殺為樂上下馬如飛殺人如刈菅名之曰孩兒軍

劉宗敏者藍田鍛工也有勇力自成嘗離其大營偕宗敏步入道旁叢祠中惟孩兒軍張蘊者從賊中所稱小張侯也自成知

宗敏有婦命意太息曰人言我有天下分若盍卜之於神吉則從我不則亟殺我以降宗敏曰諾納其刀於腰再拜三投之皆吉起而殺其兩妻曰吾今死生從若矣軍中將士亦有殺妻子願從者

自成破洛後聲勢日益張朝廷密下秦撫汪喬年圖之米脂令邊大受執自成族人拷得其祖瘞地入萬山中二百里有李氏村村旁聚墓十六冢中一冢始祖也相傳穴為仙人所定有鐵燈架燹火塘中曰鐵燈不滅李氏興發中有蝼蟻數石火光尚熒熒然斷其棺骨青黑色毛骨被體而黃腦後穴如錢大中蟠赤蛇長三四寸有角見日而飛高丈許以目迎日色而吞咋者

六七顧眼射日尚未開反而仍伏喬年殛顱骨并蛇腊之以聞
後矢着闔目舉事無成

自成破鳳陽殺戮之慘天地為黑有縛人之夫與父而淫其妻
如然後殺之者有驅人之父淫其女以為戲而後殺之者甚至
裸孕婦於前共卜其腹中男女如剖而驗之以為戲一試不已至
再至三者人甚至以大鍋煮油擲孩子於內觀其跳躍啼號以
為樂者或殺人而間以蘆葦薪木堆城下縱火焚之令穢氣煙
燄薰逼城上守兵立仆

自古生民之禍未有如明季者自成荼毒生靈日以殺人剖足
剗心為戲襄城陷剗刎諸生百九十人河南陷得福王常洵汧

王血雜鹿醢嘗之。謂之福祿酒。其園汴也。城中饑民相食。雖周親不能保。水中小紅蟲。斤值三十錢。屋上瓦松。斤值千二百錢。有騎過。羣隨候其糞。爭食之。城中白骨山積。饑民至敲骨吸髓。其後賊決河灌城。民盡為魚。獻賊陷武昌。殺人無算。由鸚鵡洲至道士洲。浮尸蔽江。踰月。人脂厚寸許。魚蟹至不可食。有述之而不忍聞者。

自成巡營嚴密。人不得逃。逃者謂之落草。磔之。且連營百里。竟日不得越。禁行囊勿藏白金。精兵許携妻子。戒旁漁生子。棄勿育。收男子十五以上四十以下為兵。一精兵容私從為之掌械。司磨執炊。少者十餘人。駝騾少者十餘載。過城市。不令處室。廬。

寢興一單布幕製棉甲糾綻至百層輕厚甚矢砲不能入一兵卒馬三四冬則掠茵褥藉其蹄曰恐其寒也剖人腹為之槽馬沒此鋸牙思噬若虎豹軍止即出較騎射白站隊及晡方畢夜四鼓蓐食以聽令所過值崇崗絕坂騰而直上毋得旁踰水惟黃可阻轡淮泗涇渭人皆翹足踞馬背或抱鬣緣尾呼風而前馬蹄所塵闕水為不行下流淺不盈尺步兵褰裳徑涉臨陣列馬三萬名三堵牆前者反顧後即殺之戰久不勝馬兵佯敗追之則步卒之伉健者長槍三萬擊刺若飛馬兵回合無孑遺矣其攻城也束手降者不殺不焚守一日殺十之三二日殺十之七三日屠殺人來其尸為燎謂之打亮城將陷步兵萬人周堞

下防緹城者。馬兵徼於外。承其隙。巡之。張獻忠至。殘忍。所攻城。一門陷。則一門可逃。自成若覆舟於海。無唯類。諸營校所獲馬。驟者上賞。弓矢鉛銃。亞之。卷帛復次。珠玉為下。自成多購斬黃人為間。或携藥囊。著蔡為醫。卜。或談青鳥。姑布星家言。或為緇衣黃冠。或為乞丐戲術。或為肩挑買賣。或為皮鐵雜藝。分布江皖諸境。覘伺虛實。甚至癸未會試於路。邀截赴京士子。說透打合。為之魚緣中式。以作內應。以故城破之日。雲合響應。一呼咸集。人竟莫測所從來。如某某登癸酉榜。文甚佳。亦賊代通關節者。

自成未稱帝時。其臣下勸進表有云。兩條勁腿。馬趕不前。一部

鬚鬚蛇攢不入白帽戴額依稀秦始之皇黃袍加身彷彿漢高之祖諸如此類不可枚舉

崇禎十七年正月朔自成即順王位是日風霾黃霧四塞自成意不悅偽學士姜學一進曰此正所以掩大明也自成乃悅

自成既陷京師裁帽窄袖衣乘烏驢登皇極殿據黻座大學士魏藻德成國公朱純等皆歡迎不許乃召見京朝官自牛金星下六政府皆雜坐以次呼名自成親選七十三人金星選一十七人列為三等奏聞榜發俱不用用其要者除發推將軍署榜答索金自嘉定成國公以下皆炙體熨項夾脰箍腦虐無虛日於是諸臣始稍稍遁去乃殺諸勲衛於平則門外逐閹人出城

無老幼貴賤數十萬。不許復入。開科取士。用書義中式者十八。命聳消焚太廟神主。進拷批索銀凡七千萬。侯家出十之三。閹人十四。官十二。估商十一。餘官中內帑器皿以及鼎耳門環。細絲裝嵌剔括殆盡。初鑄錢不成。鑄金璽。又不成。乃鎔金為餅。每餅千兩。數其中。貫以鐵絲。凡數萬餅。括騾馬。謀載歸長安。嘗曰。陝吾父母之國。形勢雄險。朕當世代都之。雖燕京。又豈能勝哉。

何璘。澧州志。李闖之死。野史載通城羅公山。明史載通城九宮山。其以為死於村民。則一。今按羅公山實在黔陽。而九宮山實在通山縣。其言通城皆誤也。隨園云。有某者為余言。李自成實

鼠澧州至清化鎮。隨十餘騎走牯牛壩。在今安福縣境。復乘騎去。獨鼠石門之夾山為僧。今其墳尚在。云余訝之。既而有人至夾山。命之探訪。歸言見寺傍有石塔。覆以屋。塔面大書奉天玉和尚。前有碑。乃其徒野拂文。文載和尚不知何氏子。一老僧年七十餘。尚能言夾山舊事。云和尚順治初入寺。事律門。不言來自何處。其聲如西人。後數年。復有一僧來。言是其徒。乃宗門野拂江南人。事和尚甚謹。和尚卒於康熙甲寅歲二月。約年七十。臨終有遺言。野拂彼時幼。不與聞。寺尚藏有遺像。命取視之。則高顴深頤。鵠目蠅鼻。狀貌猙獰。與明史所載正同。云按自成僭號奉天倡義大元帥。後復自稱新順王。其自稱奉天玉和尚。蓋

自寓加點以諱之耳。隨園引此。深為嘯亭雜錄所譏。謂為好亂者也。然自成之死。世所傳不一。而言死於村民則一也。據聞村民既鉏死自成。剝其衣。得龍衮金印。眇一目。村人乃大驚。則自成固非令終者。史冊所傳不可誣也。又按明史何騰蛟傳。李錦

自成從子。後賜名赤心。高必正

自成妻高氏弟之婦。騰蛟於剝

州也。騰蛟上疏言。元凶已除。稍洩神人憤。宜告謝郊廟。唐王大

喜。立拜東閣大學士。兼兵部尚書。封定興伯。而羣自成死未實

騰蛟言。自成雖死。身首已糜爛。不敢居功。固辭封爵。不允。是當

時亦有疑其未死者。故本傳兼存請遣官驗尸之說。與豫英親

王奏有降卒言。自成竄入九宮山。為村民所困。自縊死。尸朽莫

辨者合。然果其未死。則所稱得龍袞金印而眇一目者。繫何人耶。

張獻忠幼時。頑鈍不靈。讀書祇識一君。則敬。臣則忠之。忠字其餘一字不能記憶。師因答之曰。板打學生手。命對之。張應聲曰。刀斬帝王頭。師大驚。因知其非凡。

張少時。常有目疾。又與人鬪。右手傷去一中指。後作賊。輒自誇曰。咱張老子一指天王。誰敢當者。羣賊因以一指天王稱之。

張嘗隨父販棗至蜀之內江縣。以驢繫紳坊。糞溺汚石柱。紳僕詈之。鞭其父。喝令手掬赴他所。獻忠以客地。但怒視不敢爭也。去而誓曰。我復來時。盡殺爾等。方洩吾恨。故後之入蜀也。奈毒

之慘倍於他處

張初從軍。隸總兵王威。犯淫掠。當斬。別將陳洪範來。竭力救之。威不得已。斬其黨十七人。鞭獻忠。百免。亡關中。為盜。思舊恩。每飯必祝之。數語其下曰。陳總兵活我。刻旃檀為像。事之後。歸降於陳。頗馴服。熊文燦撫馭失宜。復叛去。

張初為小賊。號黃虎。後稱八大王。嘗偽為官兵。駐南陽之東關。以詐取宛城。門未啟。而左良玉適至。疑而召之。張窘逸去。良玉追及射之。矢着其印堂。又射貫其左手中指。於弓靶上。兩馬相及。良玉袖刀劈其面。血流被甲。孫可望力前格之。得逸。至穀城。降官兵。嘗指其瘢語人曰。此左將軍南陽時創我也。

張敗於鄖陽窮竄深山中。聞某寺僧饒錢穀。却之時有諸生數十在寺肄業。皆避去。而寺僧擅拳勇者百餘人。相與謀曰。我等出敵彼敗。終不忘也。不如嫁禍他人。乃着諸生巾服禦之。張大敗。死者頗衆。以是積怨士子。後來遷戮於蜀。

張過湖。卜於洞庭君者三。不吉。大怒。仆洞庭君像。竟渡至中流。風發。覆賊百餘船。張怒而還。纜大船岸旁。捆所載婦女什器。沃以薪油。縱火燒之。凡千餘艘。連岸四十里。夜中水光如霧。

張每屠一方。備記所殺人數。貯竹圍中。人頭幾大堆。人手掌幾大堆。人耳鼻幾大堆。所過處。皆有此新統計。

張酷好朋友。遇相知。徹夜歡飲。不懈及去。厚贈之。而預遣人伏

中選斬其首歸櫛載之以隨軍中獨飲不樂令啟櫛曰請吾好
友來取頭徧列席間持盞勸酌歡洽若生人名曰聚頭歡宴
殺人之令有以語犯死者有以事犯死者有令健卒羅織而按
戶死者有言事小兒夜行街市陰聽人語白堊識其門而收之
以死者一小兒聞人俚語云張家長李家短具以告張笑曰此
我勝自成之兆也命釋之

張所過公廨民居園林寺觀無不為瓦礫存者惟文昌關帝及
張桓侯三廟蓋關帝及桓侯為秦人所尊而文昌則張曾為文
祭之與之聯宗而尊為太祖高皇帝者也

張命諸臣撰祝文祀

文昌神。一。般文學侍從之臣。皆以媚詞諂語聯翩獻上。皆斥不